

詠孝類編六卷 夏中言撰中言有讀史釋意見史部史評類是

編成於嘉慶辛未丙子齊河馬受昌刊以行世卷一為類四曰

王帝附太子諸王仕宦士庶卷二為類二曰后妃太子妃 公 婦女

卷三為類四曰耆老童年事繼母事祖父母卷四為類五曰敬

日養日侍疾尋親救患卷五為類四曰喪葬祭祀負骨復仇卷

六曰孝感末附廬墓孝子姓名割股到肉孝子姓名唐宋元孝

子無事實者姓名李允升序略云取列史中所載孝行彙輯成

編分以類欲其收之廣也次以韻欲其便於誦也先舉要次紀

實欲以詳考其本末也既使古人之潛德幽光日顯於世而又

令習其語而傳之俾聞者皆有所感發而興起以不失古人勸

以九歌之意蓋合詩與史而一之矣據本書按是編韻語皆四

古今氏族紀里五十四卷 邵大緯撰大緯有史事簡鈔見史部

史鈔類是書見薄海番域錄例言

類書四十卷 曾衍善撰衍善字培初自號西軒居士曾子六十

七代孫嘉祥人徙居東平 恩貢州志本傳云晚尤博覽羣書

仿潛確類書纂輯成編共四十卷未及刻而歿

姓氏鑑略二卷 王錫鈔撰錫鈔鄒平人諸生是書見縣志

仰古增今對聯 王廷棐撰廷棐有日用俗字錄見雜家類府志

本傳云晚年沈酣史册著有仰古增今對聯九百餘首

四聲對韻 吳瀛洲撰瀛洲有知古捷徑見雜家類是書見縣志

奇姓略 張泰撰泰有魯齋雜著見雜家類是書見州志

續蒙求 閻篤忠撰篤忠字心一甯陽人嘉慶中歲貢縣志載是

書云數十卷排比事實依類編纂時論推其淹博

四集錦注 劉澄撰澄字瑩心鄆城人 恩貢官東阿教諭是書

見縣志

氏族輯要韻編 牟相撰相有瘍醫亦云錄見醫家類是書見縣

志

詩賦駢字類珠二十四卷 蕭熾蕭燁同撰熾燁俱福山人是書

見採訪册

分韻編彙一册 馬國翰撰國翰見經部五經總義類據手彙

存自此本為玉函山房手彙金字函之第五册手彙存目云馬

君殆嘗仿 御定分類字錦之體而變分類為分韻輯成一書

此其創彙也後凡言雜錄典故者並同據手彙存目竹字韻士

得修綆編二册 馬國翰撰手彙存目革字函之三册五册也手

彙存目云三册端題得修綆編首天號次搜神次原始當是雜采

諸書惜未注明出典體例大類格致鏡原又云五册端題得修綆

編經傳逸文原注通詩史記戰國策周禮易子夏傳尚書

又革字函第四册云端題得修綆齋二十四編

唐宋元明人摘句綴錦集 吳式芬撰式芬見史部目錄類是書

凡二十餘卷見其子重意所撰事略

千家姓一卷 徐文勳撰文勳福山人是書見採訪册

鄉黨典彙一卷四書典故錄三卷 歐澤蔭撰澤蔭平度人二編

見縣志

古今齒甲錄 劉士貞撰士貞字松石平度人歲貢是書見採訪

冊

天時人事譜二十二卷 鄭桂芳撰桂芳字穎秋嶧縣人諸生是

書見縣志

分韻姓氏說略二卷 譚作德撰作德字心逸臨朐人歲貢是書

見鄉土志

歷史分類鈔二十四卷 謝長源撰長源字星海平度人歲貢鄉

土志載是書云綜括古今附以歷史象輿圖

歷代蒙求補一冊 王清梅撰清梅字春圃費縣人歲貢縣志載

是書云所存者僅明代一冊而已

詩經鍊要 樊家肇撰家肇字浚明鄆城人歲貢是編見縣志

識字蒙求 朱學閩撰學閩平陰人是書見鄉土志

集易分韻 崔披雲撰披雲堂邑人是書見鄉土志

人鏡集五十四卷 孟雲峯撰雲峯字嵐亭章邱人官戶部主事

是編刊於咸豐辛亥分君臣父子夫婦兄弟朋友五類長山李

芳實序云語不皆經而人紀明事不皆史而人事備百家諸子

擷其精華雜說叢談徵為故實又凡例云五倫不足以該人類

然以類附從如胥吏主僕附於君臣祖孫諸父母諸子姑姪及

異姓尊屬附於父子妾婢附於夫婦嫂叔嫂姑姊姒羣從疏屬

及異姓異弟附於兄弟師弟賓主及閭里交際附於朋友亦可

以盡人類之相與矣據本書

典制五卷 孫福昌撰福昌字文祉東平人咸豐乙卯副貢是書

見州志

人鏡集二十四卷 蔣作錦撰作錦有奉使日程記見史部傳記

類州志云是集編姓按切古人事實括為韻語

飽學階一卷 時鴻章撰鴻章字硯銘益都人諸生縣志載是編

云課幼之書也

縵耕齋同姓名錄八卷 張興留撰興留有鏡吾錄見雜家類是

書有寫本興留自序略云溯上古以訖有明史傳以及稗說帝

王將相以逮仙釋雜流雖時代相距懸殊苟同矣無不錄而稱

某甲某生某仲某叔某翁者亦連類及焉秦漢以降略依史鑑

次第以人之居前者為率而一代中先後之序及埒見於祖父

子孫傳記者則不復泥撮取事蹟亦止隨手劄錄至其人無所

表著或又事不載則倣汪氏史姓韻編聊存梗概而已若夫得

姓受氏之原考之往籍已不免異同則又杳遠難稽無暇廣稽

耳據本書 以上國朝

小說

世說新語注三卷 劉孝標撰孝標見史部正史類是書 文淵

閣著錄 四庫提要曰唐藝文志稱劉義慶世說八卷劉孝標

續十卷崇文總目惟載十卷晁公武謂當是孝標續義慶元本

八卷通成十卷又謂家有詳略二本迥不相同今其本皆不傳

惟陳振孫書錄解題作三卷與今本合其每卷析為上下則世

傳陸游所刊本已然蓋即舊本至振孫載汪藻所云敘錄二卷首為考異繼列人物世譜姓字異同末紀所引書目者則佚之久矣自明以來世俗所行凡二本一為王世貞所刊註文多所刪節殊乖其舊一為袁褰所刊蓋即從陸本翻雕者雖板已剝敵然猶屬完書義慶所述劉知幾史通深以為譏然義慶本小說家言而知幾繩之以史法擬不於倫未為通論孝標所注特為典贍高似孫緯略亟推之其糾正義慶之紕繆尤為精核所引諸書今已佚其十之九惟賴是注以傳故與裴松之三國志注鄭道元水經注李善文選注同為考證家所引據焉 梁

隋遺錄一卷 顏師古撰師古有匡謬正俗見經部小學類是書見宋志

大業拾遺記二卷 四庫存目提要曰一名南部煙花錄舊本

題唐顏師古撰未有跋語稱會昌中沙門志微得之瓦棺寺閣乃隋書遺稿云云王得臣塵史稱其極惡可疑姚寬西溪叢語亦曰南部煙花錄文極俚俗又載陳後主詩云夕陽如有意偏向小窗明此乃唐人方域詩六朝語不如此唐藝文志所載煙花錄記幸廣陵事此本已亡故流俗偽作此書云云然則此亦偽本矣今觀下卷記幸月觀時與蕭后夜話有儂家事一切已託載楊素了之語是時素死久矣師古豈疏謬至此乎其中所煬帝諸作及虞世南贈袁寶兒作明代輯六朝詩者往往採掇皆不攷之過也

因話錄六卷 趙璘撰 文淵閣著錄 四庫全書提要曰璘字

淨章據唐書宰相世系表稱南陽趙氏後徙平原璘即德宗時宰相宗儒之從孫而昭應尉伉之子也開成三年進士及第大中七年為左補闕後為衢州刺史竝見本書及唐書藝文志明商濬刻此書入稗海題為員外郎未詳所據也其書凡分五部一卷宮部為君記帝王二卷三卷商部為臣記公卿百僚四卷角部為人凡不仕者咸隸之五卷徵部為事多記典故而附以諧戲六卷羽部為物凡一時見聞雜事無所附麗者亦並載焉璘家世顯貴又為西眷柳氏之外孫能多識朝廷典故東觀奏記載唐宣宗索科名記鄭顥令璘採訪諸家科目記撰成十三卷上進是亦嫻於舊事之明徵故其書雖體近小說而往往足與史傳相參其間如記劉禹錫徙播州刺史一條稱柳宗元請以柳易播上不許宰相裴度為言之始改連州司馬光通鑑考異以為宗元墓誌乃將拜疏而未上非已上而不許又禹錫除播州時裴度未嘗入相所記皆失事實又記大中七年詔來年正月一日御舍元殿以太陽當虧罷之今考通鑑是年文宗實以風疾不視朝日食在二月朔不應預罷朝賀所載亦不免於緣飾然其他實多可資考證者在唐人說部之中猶為善本焉

以上唐

唐摭言十五卷 王定保撰按定保有二一太原人一琅邪人撰此書者為琅邪王氏光化三年進士說詳養新錄卷十二是書文淵閣著錄 四庫提要曰同時南唐鄉貢士何晦亦有唐摭言十五卷與定保書同名今晦書未見而定保書刻於商氏

稗海者刪削大半殊失其真此本爲松江宋寶王所錄未有跋語稱以汪士鏞本校正較稗海所載特爲完備近日揚州新刻卽從此本錄出惟是晁公武讀書志稱是書分六十三門而此本實一百有三門數目差舛不應至是豈商濬之前已先有刪本邪是書述有唐一代貢舉之制特詳多史志所未及其一切雜事亦足以覘名場之風氣驗士習之滄澆法戒兼陳可爲永鑒不似他家雜錄但記異聞已也據定保自述蓋聞之陸辰吳融李渥顏堯王溥據說王渙盧延讓楊贊圖崔籍若等所談云 五代

鑑戒錄十卷 何光遠撰光遠字輝夫東海人孟昶廣政初官普州軍事判官是書 文淵閣著錄 四庫提要曰多記唐及五代間事而蜀事爲多皆近俳諧之言各以三字標題凡六十六則趙希弁讀書後志以爲輯唐以來君臣事迹可爲世鑒者似未睹其書因其名而臆說也舊本前有劉曠度序亦見希弁志宋史藝文志遂以劉曠度鑑戒錄三卷何光遠鑑戒錄三卷分爲二書益舛誤矣書中間有夾注如判木夾一條云此答木夾書元是胡曾與路巖相公鎮蜀日修之非爲高駉相公也何光遠誤述危亂黜一條云據禪月詩集中此詩自哭涪州張侍郎非張拾遺何光遠錯舉證也四公會一條云此篇元在本事詩中敘說甚詳何光遠重取論說又加改易非也皆駁正光遠之說不知出自何人此本析爲十卷有朱彝尊跋稱從項元汴家宋本影寫則猶宋人所分也今觀所記如徐后事一條所載王

承旨詩後山詩話以爲花蕊夫人作蜀門諷一條所載向瓊嘲蔣鍊師詩南唐近事以爲廬山道士其語大同小異猶可曰傳聞異詞鑿冤錄一條全剽襲殷芸小說東方朔辨怪哉蟲事小技

說已佚此條見太平廣記四百七十三 已爲附會鬼傳書一條不知水經注有梁孝直事更屬粗疏至逸士諫一條稱昭宗何后荒於從禽考新唐書后妃列傳昭宗奔播岐梁間后侍膳無須臾去舊唐書亦云后於蒙塵薄狩之中嘗侍膳不離左右安得有敗遊之事且昭宗寄命強藩不能自保又安能縱后敗遊恆至六十里外殊爲誣誕灌鐵汁一條稱秦宗權本不欲叛乃泰山神追其魂以酷刑逼之倡亂是爲盜賊藉口尤不可以訓特以其爲五代舊書所載軼事遺文往往可資採掇故仍錄之小說家焉 後蜀洛陽搢紳舊聞記五卷 張齊賢撰齊賢有太平雜編見類書類是書 文淵閣著錄 四庫提要曰前題乙己歲乃真宗景德二年齊賢以兵部尚書知青州時所作皆述梁唐以還洛城舊事凡二十一篇分爲五卷書錄解題目次與此本合獨晁氏讀書志作十卷今案自序明言五卷而檢永樂大典所載此書之文亦無出此本外者則讀書志字誤明矣書中多據傳說之詞約載事實以爲勸戒自稱凡與正史差異者並存而錄之亦別傳外傳之比然如衡陽周令妻報應洛陽染工見冤鬼焦生見亡妻諸條俱不免涉於語怪又如李少師賢妻一條稱契丹降王東丹朝廷密害之非命而死契丹已知之李肅奉命護喪柩送歸憂沮不知其計云云案通鑑五代史東丹卽遼太祖長子

太宗之兄奔唐為昭信節度使賜名贊華因太宗助石晉起兵
路王遣宦者秦繼晏皇城使李彥紳殺之於其第是東丹之死
實緣路王以兵敗逞忿旋即滅亡晉高祖後為之備禮送歸時
隔兩朝在晉人本無密害之事又何所疑嫌而遽形憂沮此事
殆出傳聞之譌殊不可信至如紀張全義治洛之功極為詳備
則舊史多採用之其他佚事亦頗有足資博覽者固可與五代
史闕文諸書同備讀史之考證也

王文正筆錄一卷 王曾撰曾有契丹志見史部傳記類是書

文淵閣著錄 四庫提要曰此乃所記朝廷舊聞凡三十餘條
皆太祖太宗真宗時事其下及仁宗初者僅一二條而已曾練
習掌故所言多確鑿可據故李燾作通鑑長編往往全採其文
如記李沆為相王旦參知政事羽書邊奏無虛日且以為憂沆
謂他日天下甯晏未必端拱無事及北鄙和好登封行慶且疲
於贊導始服李之深識云云司馬光涑水紀聞亦載其事則謂
和好既成而沆獨憂之李燾考異謂沆卒於景德元年七月至
十二月和議始成光蓋偶未及考當以曾說為長此類皆為能
得其實惟景德改元在其年正月而曾於王繼忠一條乃謂兵
罷改元亦未免有誤又繼忠兵敗降遼不能死國反為所任用
殊虧臣節雖有啟導和好之力不足自贖曾乃以盡忠兩國許
之褒貶尤為失當矣

百一紀一卷 王子融撰子融見史部雜史類是書見宋志

傅公嘉話一卷 讀書志載是書云右皇朝傅堯俞之子孫記堯

俞之言行凡四十餘章獻簡堯俞設也 堯俞有奏議類史
孔氏雜說記一卷 孔武仲撰武仲見經部書類讀書志載是書
云論載籍中前言往行及國家故實賢哲文章亦時記其所見
聞者案書錄解題作孔平仲撰考讀書附志別有平仲雜說一
卷云圖志謂之珩璜論則與此非一書也

孔氏談苑四卷 孔平仲撰平仲有珩璜新論見雜家類是書

文淵閣著錄 四庫提要曰多錄當時瑣事而頗病叢雜趙與
峕寶退錄嘗駭其記呂夷簡張士遜事謂以宰相押麻不合當
時體製疑為不知典故者所為必非孔氏真本今考其所載往
往與他書相出入如梁灝八十二為狀元一條見於遜齋閒覽
錢俶進寶帶一條王禹玉上元應制一條皆見於錢氏私志宰
相早朝上殿一條見於王文正筆錄上元燃燈一條詔勅用黃
紙一條見於春明退朝錄寇萊公守北門一條見於國老談苑
其書或在平仲前或與平仲同時似亦摭拾成編之一證至於
王雱才辨傲很新法之行雱實有力而稱之為不慧殊非事實
至張士遜死入地獄等事尤誕幻無稽不可為訓與昔所論未
可謂之無因姑以宋人舊本存備參稽云爾

續世說十二卷 孔平仲撰 四庫未收書目提要曰取齊梁陳

隋唐五代事迹依劉義慶世說之目而分隸之成書十二卷見
於宋史本傳及藝文志小說家類卷表相同書錄解題文獻通
考皆錄其書而近代儲藏家罕有著錄者王士禛居易錄曾道
及此書云已失傳則士禛亦不得見此書也此書平仲無自序

有紹興戊寅長沙秦果序言平仲書成未刊從義郎李敏得善本於前靖守王長孺相與鏤版王親受於孔知其不繆丁丑之春維陽王濯來守沅之明年李氏以其書版來售卽加是正鐫刻以補其不足云云後有沅洲公使庫總計紙版數目並印造紙墨襍工食錢數目後又有右迪功郎司法兼監使庫翁灌右從事郎軍事判官閔敦仁右迪功郎州學教授胡搏左朝奉郎通判軍州事秦果左朝散大夫知軍州事王濯五人題名皆沅州官也此從宋沅州刻本傳寫者卷裝完整無闕特書中部次錯雜有兩條合爲一條者抑且時代先後往往倒置蓋校勘之時不免有私爲竄改之弊必非平仲原本之誤也

孔氏野史一卷 孔平仲撰見通考容齋洪氏隨筆云世傳孔毅甫野史一卷凡四十事予得其書於清江劉靖之所載趙清獻爲青城宰挈散樂妓以歸爲邑尉追還大慟且怒又因與妻忿爭由此感志文潞公守太原辟司馬溫公爲通判夫人生日溫公獻小詞爲都漕唐子房峻責歐陽永叔謝希深田元鈞尹師魯在河南攜官妓遊龍門半月不返留守錢思公作簡招之亦不答范文正與京東人石曼卿劉潛之類相結以取名服中上萬言書甚非言不文之義蘇子瞻被命作儲祥宮記大貂陳衍幹當宮事得旨置酒與蘇高會蘇陰使人發御史董敦逸卽有章疏遂墮計中又云子瞻四六表章不成文字其他如潞公范忠宣呂汲公吳冲卿傅獻簡諸公皆不免譏議予謂決非毅甫所作蓋魏秦碧雲駝之流耳溫公自用龐穎公辟不與潞公子

房同時其謬妄不待攻也靖之乃原甫曾孫佳士也而跋是書云孔氏兄弟曾大父行也思其人欲聞其言久矣故錄而藏之汪聖錫亦書其後但記上官彥衡一事豈弗深考云

甲申雜記一卷聞見近錄一卷隨手雜錄一卷 王鞏撰鞏字定國自號清虛先生且孫官至宗正丞諸編 文淵閣著錄 四庫提要曰所記雜事三卷皆記東都舊聞甲申雜記凡四十二條甲申者徽宗崇甯三年也故所記上起仁宗下迄崇甯隨筆記載不以時代爲先後聞見近錄凡一百四條上起周世宗下迄宋神宗而太祖太宗眞宗仁宗事爲多隨手雜錄凡三十三條中惟周世宗事一條南唐事一條吳越事一條餘皆宋事止於英宗之初二書事蹟在崇甯甲申前而原本次甲申雜記後蓋成書在後也卷末有其從曾孫從謹跋稱先世著書散佚隆興元年乃得此三編於向氏鈔錄合爲一帙前有張邦基序言得其本於張由儀由儀則少從其父得於鞏家敝篋者末題甲寅五月爲高宗紹興三年蓋向氏之本又出於張氏當時親傳手迹知確爲鞏撰非依託矣三書皆間涉神怪稍近稗官故列之小說類中然而所記朝廷大事惟多一切賢姦進退典故沿革多爲史傳所未詳實非盡小說家言也甲申雜記中李定稱蘇軾一條費袞梁谿漫志駁其失實今考袞謂軾詩自熙甯初始多論新法不便至元豐二年有烏臺詩案前後不過十年定云二三十年所作文字殊不相合其說是也至謂能記二三十年作文之因則人皆能之似不足爲東坡道則其說未然書中

所載定語乃云所作文字詩句引證經傳隨問即答無一字差舛則是指其所引之書非指其作詩之故發殆未審其語歟
南齋雜錄一卷 龐元英撰元英見史部政書類是書見宋志
談藪一卷 四庫存目提要曰舊本題宋龐元英撰案元英為宰相籍子乃元豐中人此書乃多述南宋甯理兩朝事相距百載其偽殆不足攻書中凡載雜事二十五條皆他說部所有殆書賈鈔合舊文詭立新目售偽於藏書之家者厲鶚等南宋雜事詩註亦誤探之蓋偶未考然尤侗明史藝文志作於康熙己未業已著錄則其偽作自前明矣

瀟水燕談錄十卷 文淵閣著錄 四庫提要曰舊本題宋齊國王闢之撰宋藝文志作王闢之蓋以闢關相近而誤通考引晁陳二家書目並作王闢案魏野東觀集有贈王衢王闢同登第詩則北宋實有其人然野當眞宗之時與此書年不相及蓋傳寫脫之字也山東通志載闢之字聖塗青州人書錄解題稱其為治平四年進士讀書志稱其從仕四方與賢士大夫燕談有可取者輒記久而得三百六十餘事今考此書皆記紹聖以前雜事分十五類帝德十七條讜論十一條名臣五十條知人四條奇節十二條忠孝八條才識十二條高逸二十條官制二十條貢舉二十一條先兆十七條歌詠十八條書畫八條事誌三十二條雜錄三十五條共二百八十五條與讀書志所載之數不合蓋此本為商濬稗海所刻明人庸妄已有所刪削矣所記諸條多與史傳相出入其間如誰傳佳句到幽都一詩乃蘇

轍使遼時寄其兄軾之作而誤以為張舜民又如柳永以黃綠中官獻醉蓬萊詞為仁宗所斥而以為仁宗大悅之類亦間有舛譌然野史傳聞不能盡確非獨此書為然取其大致之近實可也

閒燕常談三卷 董弁撰弁見史部傳記類書錄解題載是書云取士相與談仁義於閒燕之義

紀談錄十五卷 晁公邁撰公邁有歷代紀年見史部編年類書錄解題載是書云稱傳密居士不著名氏蓋晁公邁伯咎也

暇日記 劉跂撰跂有秦篆譜見史部目錄類是編有五朝小說刊本

癸辛雜識前集一卷後集一卷續集二卷別集二卷 周密撰文淵閣著錄密見史部地理類 四庫提要曰是編以作於杭州之癸辛街因為名與所作齊東野語大致相近然野語兼考證舊文此則辨訂者無多亦皆非要義野語多記朝廷大政

此則瑣事雜言居十之九體例殊不相同故退而列之小說家從其類也明商濬稗海所刻以齊東野語之半誤作前集以別集誤作後集而後集續集則全闕又併其自序佚之後烏程閔元衢於金閭小肆中購得鈔本毛晉為刻入津逮秘書始還其

原帙書中楊凝式僧淨端一條與野語重出蓋刪除未盡彌陀入冥劉朔齋再娶二條並附注衢案云云蓋閔氏所加海鱗光

火一條附注不題名字核其語意殆亦閔語也書中所記頗猥雜如姨夫眼眶諸條皆不足以登記載而遺文佚事可資考據

者實多究在輟耕錄之上所記羅椅董敬菴韓秋巖諸人於宋末講學之弊言之最悉其引沈仲固語一條周平原語一條尤言言炯戒有關於世道人心正未可以小說忽之矣都穆南濠詩話曰吳興唐廣嘗手錄癸辛雜識見其中載方萬里穢行之事意頗不平是夜夢方來曰吾舊與周生有隙故謗我至此幸爲我暴之云云夫是非之公人心具在使密果誣讎方回不應有元一代無一人爲回訟冤至明而其鬼忽靈者其說荒唐殆不足辨且密爲忠臣回實叛賊即使兩人面質人終信密不信回也况恍惚夢語乎

浩然齋視聽鈔浩然齋意鈔 周密撰見千頃堂書目 以上宋至正直記四卷 四庫存目提要曰一日靜齋類彙元孔齊撰齊字行素號靜齋曲阜人其父退之爲建康書掾因家溧陽元末又避兵居四明其仕履則未詳也是書亦陶宗儀輟耕錄之類所記頗多猥瑣中一條記元文宗皇后事已傷國體至其稱年老多蓄婢妾最爲人之不幸辱身喪家陷害子弟靡不有之吾家先人晚年亦坐此患則併播家醜矣所謂直記亦證父攘羊之直歟別一本題曰靜齋直記其文並同惟分四卷爲五卷而削去各條目錄蓋曹潛學海類編所改竄也今附著於此不更存其目焉 元

擒虎記 周舉撰舉字尙賓郟城人宏治壬戌進士歷官雲南按察副使是編見府志藝文又本傳云知思南府府舊無城患虎舉築甌城衛之記或作於是時

草窗筆記 張恪撰恪字肅卿觀城人嘉靖甲午舉人官萬泉知縣是書見鄉土志

日錄雜記 陳忠翰撰忠翰有省身便覽見雜家類二編見州志談柄一卷 孔宏幹撰宏幹有孔門僉載見史部傳記類是書見闕里文獻考

林泉隨筆一卷 張綸撰綸有圖書考諸書見經部易類是書見明志

來禽館世說新語鈔四卷 邢侗撰侗有武定州志見史部地理類是書見縣志

勸善錄 王錄撰錄字子薦號龍溪壽張人萬曆甲戌進士歷官

戶部郎中是書見縣志

玉堂叢語八卷 焦竑撰竑見經部易類 四庫存目提要曰是

編仿世說之體採摭明初以來翰林諸臣遺言往往行分條臚載

凡五十有四類而終以警隙案朱國楨湧幢小品曰焦弱侯率

直任真元子初出閣定講官六人癸未則郭明龍內戊唐抑所

袁玉蟠蕭元圃全元洲己丑則弱侯太倉相公謂宜擇其近而

易曉者勸一書進覽無何太倉去國諸公不復措意惟弱侯纂

養正圖說一冊郭聞之不平曰當衆爲之奈何獨出一手後其

子攜歸刻於南中送之寓所正在案端陳矩適至取去數部

呈御覽諸老大悲謂由他途進圖大拜又載其序呂坤閏範鄭

國泰乞取添入后妃一門衆大譁謂鄭氏著書弱侯交結作序

云云竑作是書以警隙終篇蓋感此二事借以寓意然陳矩爲

司禮太監鄭國泰為貴妃之姪何以二書適入二人之手俱得進於宮禁當時物議實有其因未可盡委之排擠也

明世說八卷 焦竑撰見明志

雜記 公鼎撰鼎字孝與蒙陰人萬曆辛丑進士歷官禮部右侍郎贈尚書諡文介是書見徐樹不識小錄

巖居漫錄 宋燾撰燾見史部地理類是編見縣志

翦桐載筆 王象晉撰象晉見經部小學類 四庫存目提要曰

是書因奉使册封途中所作故取義於翦桐所載皆嘉言善行

然多涉因果其四公厚德解等篇體近於戲卷首列賀登基一

表賀惠王陞位一啟尤不倫也

蟬雪呢言八卷 畢拱宸撰拱宸有萊乘見史部地理類是書縣

志作六卷茲依傳是樓書目標卷十一筆舛雜錄云蟬雪呢言

於毛師陸識小錄中得見數則按縣志拾遺及志餘引蟬雪呢

言一條引蟬雪集五條疑此書一名蟬雪集也所引萊州女巫

孫母祠劉中丞拙齋掖令陶崇道四條皆異聞至北朝置光州

領東萊郡唐王無競墓誌兩條則有關於地理金石

震澤紀聞 傅蘊撰蘊曹縣人天啟間歲貢是書縣志藝文載二

則皆紀李秉軼事

玉堂書記四卷 楊士聰撰士聰有甲申核真略見史部雜史類

四庫存目提要曰是書成於崇禎癸未之十二月距明之亡

僅百餘日自序謂古來正史所闕或得之雜錄漫記以補其所

不足亦識其小者之意也自余叨史局不廢記存且積有年歲

壬午再入春明感興時事乃取舊所編輯更加撰次不拘年月惟有慨於中則書之彙為一帙凡十餘年來世局朝政物態人情約略粗載於此而戲笑不經之事亦往往而在今觀其書於

當日周延儒薛國觀溫體仁王應熊諸人門戶傾軋之由政刑

顛倒之故頗能道其委曲多正史之所未及然士聰為延儒門

生筆墨之間頗為回護而於黃道周倪元璐皆有不滿意至

謂道周不坐宦官之房不以通家名刺與宦官皆謂太過其記

張溥試詩亦詆諆已甚皆不免於恩怨之詞又孔有德之變乃

新城王氏所激毛繆平叛記言之最詳而以為由於誅袁崇煥

失遼人之心殊非實錄至於鄙譎穢語皆備載之尤為猥雜又

非歸田錄諸書偶記併諸之例矣是書自序稱一帙而書首題

卷一字則當有二卷中間癸未九月經筵以下舊本別為一頁

與前不屬疑為下卷之首傳寫佚其標題也

年來記聞 黃家瑞撰家瑞有督揚疏草見史部詔令奏議類是

書見縣志

世說新語刪 汪大年撰大年字未央臨清人歲貢是書見州志

訓兒小說 曹應聲撰應聲字振寰安邱人是書縣人張緒倫序

而刊之見鄉土志 以上明

客途偶記一卷 鄭與僑撰與僑有蒙難偶記見史部傳記類

四庫存目提要曰是編述明末所見聞者二十五篇多忠義節

烈之事所謂義犬義貓義象諸記疑寓言以愧背主者敗節紀

一篇亦為守義不堅者諷也雜說十篇多借事以寓憤激游記

一篇則遊河南所作多敘流賊殘破之狀其中濟甯守禦記濟甯倡義紀二篇序當時方略頗詳折姦紀則與無賴小人交易偶失簿籍復偶然得之事至瑣瑣殊不足記也

梅窗小史 成晉徵撰晉徵見經部易類是編見府志

筆錄 朱龍光撰龍光字壽鵬長山人順治壬辰進士官涇縣知縣是編見府志

閨閣語林 王士祿撰士祿見史部傳記類是書見府志

隴蜀餘聞一卷 王士禎撰士禎見史部傳記類 四庫存目提要曰是編皆記隴蜀碎事如吳山研山之類亦間有考證以其

奉使時所記多非親見之事且多非所經之地故曰餘聞兼及趙州介休者以往隴蜀時驛路所必經也

皇華記聞四卷 王士禎撰 四庫存目提要曰康熙甲子士禎以少詹事奉使祭告南海因綴其道途所經之地搜採故事為

此書多採小說地志之文直錄其事無所考證不及池北偶談諸書也

聞見錄 楊邦瑀撰邦瑀見經部春秋類是書見縣志

陰德錄夢餘編 張景榮撰景榮有劄齋偶錄見雜家類二書見縣志

渠邱耳夢錄 張貞撰貞有古州鄉賢小傳見史部傳記類嫉老集載是編序略云耳夢用漢書語顏注耳常聽聞而記之也古

人云在朝言朝在野言野余以渠人而記渠事亦士君子倦倦不忘鄉黨意也若張端義之貴耳集康譽之之昨夢錄其義則

子竊取之矣按是書又有貞後人柏恆增訂本見鄉土志又曬書堂筆錄云濰河多鯉汶水無魚見張杞園耳夢錄

西齋雜記 韓泳撰泳字文潛安邱人是書見鄉土志

拾簞餘聞一卷 孔毓埏撰毓埏見史部傳記類是書見闕里文獻考

明世說 史以明撰以明有明綱目見史部編年類是書見縣志世說新語注纂 田瑩麗撰瑩麗見史部別史類有懷堂文集載

是書序略云歸田六載學殖荒落孫輿問視之餘以世說新語注求余點定句讀遂檢兩晉書并以南北史同列凡案反覆披

閱擇其事與辭之尤者手鈔之其何君良俊所補雖雜唐宋之事亦並錄不棄焉前後序次悉依原編通計字六萬有奇兩閱月而卷畢乃整輯成帙付孫輿寶而藏之

問樹軒叢談 畢曰溥撰曰溥見史部傳記類是書見縣志

聞見錄八册 于得新撰得新字恆庵昌樂人歲貢是書見鄉土志

稗史 李魯撰魯字得之號石鶴海豐人乾隆內辰副貢吳壇撰傳稱有稗史若干卷

聞見錄 王亦純撰亦純字希文日照人諸生縣志載是書云勸善懲惡聞者感動

竹窗錄一卷 藍中琮撰中琮卽墨人是書見縣志

珠泉夜話 韓振綱撰振綱章邱人乾隆己卯舉人官甯海訓導是書見府志

同善見聞錄八册 劉樽撰樽字象山諸城人乾隆庚辰進士歷官江甯布政使改授鴻臚寺卿是書見縣志

耳食錄 曹炳文撰炳文有史學類鈔見史部史鈔類是書見府志

聞見錄 侯公棟撰公棟字秉衡號丸山臨朐人乾隆間歲貢官濮州學正是書見縣志鄉土志作管見錄

桐蔭雜誌 紀鳳詔撰鳳詔字紫綸膠州人是書見採訪册山城拾遺一卷 朱震撰震字東野膠州人精堪輿年九十餘是書見州志

近事偶及一册 馬邦玉撰邦玉有歷代紀年見史部編年類是編見懷續堂書目

夢餘因話錄三卷因話錄續十硯齋雜識三卷恩餘隨錄二卷恩餘雜誌二卷恩餘雜誌續二卷恩餘續錄四卷恩餘續錄復補二卷滌硯餘志二卷 杜瑀撰瑀見史部別史類諸編見吳重憲

鈔送書目 人海叢談一卷 吳侍曾撰侍曾字泰孫號竹泉海豐人嘉慶戊辰進士官吏部主事是書其從孫重憲刊入吳氏文存卷首自作小序略云唐李肇自序其國史補云言報應敘鬼神徵夢卜近帷簿悉去之紀事實探物理辨疑惑示勸戒採風俗助談笑

悉書之茲亦稍仿其意然其書專記時事此則兼論古人間析故實未免有駁而不純之譏焉

故實者如謂乾隆丁酉以前故實無從考之類又其紀實僅指一隅非甲甲也除據書不與漢同錄前錄後錄之類又其紀實僅指一隅

故實者如謂乾隆丁酉以前故實無從考之類又其紀實僅指一隅非甲甲也除據書不與漢同錄前錄後錄之類又其紀實僅指一隅

一二條八珍中蘇酪輝元玉 重憲跋云此人海叢談一編隨手所錄未竟之業也于嘉道兩朝故實時或及之潘文勤師汪柳門侍邸均讀而善之故錄入吳氏文存中以卷簿難于專行也

據本書 芸窗隨筆 閻溥撰溥字伯雨昌樂人道光辛巳 恩貢是書見鄉土志

維則書屋雜誌 申際清撰際清字乾一日照人道光己亥舉人官長山訓導是書見縣志

拙齋偶談一卷 李維藩撰維藩有讀書偶記見雜家類是書見縣志

世事雜錄 房甲山撰甲山見史部傳記類是書見鄉土志紀所記 姜國俊撰國俊有救劫編見雜家類是編見縣志

慈叟新志十卷 程德撰德平陰人是書見尹彭壽通志經籍志稿 以上 國朝

神異經一卷 文淵閣著錄 四庫提要曰舊本題漢東方朔撰按朔類見所載皆荒外之言怪誕不經共四十七條陳振孫書錄解題已極斥此書稱東方朔撰張茂先傳之偽今考漢書朔本傳歷敘朔所撰述言凡劉向所錄朔書俱是世所傳他事皆非其贊又言後世好事者取其奇言怪語附著之朔云云則朔書多出附會在班固時已然此書既劉向七略所不載則其為依託更無疑義晉書張華本傳亦無注神異經之文則併華注亦似屬假借孫所疑誠為有見然隋志載此書已稱東方朔

亦似屬假借孫所疑誠為有見然隋志載此書已稱東方朔

撰張華注則其僞在隋以前矣觀其詞華縹麗格近齊梁當由六朝文士影撰而成與洞冥拾遺諸記先後並出故其中西北荒金闕銀盤明月珠事陸倕石闕銘引用之其中玉女投壺事徐陵玉臺新詠序引用之流傳既久固不妨過而存之以廣異聞又考廣韻去聲四十一漾收彘字說文玉篇皆所不載註稱獸似獅子實本此經北方有獸焉其狀如獅子名曰彘之文則小學家已相援據不但文人詞藻相採摭已也隋志列之史部地理類唐志又列之子部神仙類今核所言多世外恍惚之事既有異於輿圖亦無關於修煉其分隸均屬未安今從文獻通考列小說類中庶得其實焉

海內十洲記一卷 文淵閣著錄 四庫提要曰舊本題東方朔撰十洲者祖瀛洲懸洲炎洲長洲元洲流洲生洲鳳麟洲聚窟洲也又後附以滄海島方丈洲扶桑蓬邱崑崙五條其言或稱臣朔似對君之詞或稱武帝又似追記之文又盛稱武帝不能盡朔之術故不得長生則似道家夸大之語大抵恍惚支離不可究詰考劉向所錄朔書無此名書中載武帝幸華林園射虎事案文選應貞晉武帝華林園集詩李善注引洛陽圖經曰華林園在城內東北隅魏明帝起名芳林園齊王芳改爲華林武帝時安有是號蓋六朝詞人所依託觀其引衛叔卿事知出神仙傳後引五嶽真形圖知出漢武內傳後也然自隋志已著於錄李善註張衡南都賦宋玉風賦鮑照舞鶴賦張衡思元賦曹植洛神賦郭璞遊仙詩第一首第七首江淹擬郭璞遊仙

詩夏侯元東方朔書陸倕新刻漏銘並引其文爲證足見其詞條豐蔚有助文章陸德明經典釋文亦於莊子北冥條下引此書曰水黑色謂之冥海無風洪波百丈則通儒訓詁且據其文矣唐人詞賦引用尤多固錄異者所不能廢也諸家著錄或入地理循名責實未見其然今與山海經同退置小說家焉

咸應經三卷 宋志題東方朔撰 以上漢

通幽記三卷 宋志題陳邵撰邵有周官禮異同評見經部禮類

晉

漢武故事一卷 文淵閣著錄 四庫提要曰舊本題漢班固撰然史不云固有此書隋志著錄傳記類中亦不云固作晃公

武讀書志引張柬之洞冥記跋謂出於王儉按儉有齊唐初去齊梁未遠當有所考也所言亦多與史記漢書相出入而

雜以妖妄之語然如藝文類聚三輔黃圖太平御覽諸書所引

甲帳珠簾王母青雀茂陵玉椀諸事稱出漢武故事者乃皆無

之又李善注文選西征賦引漢武故事二條其一爲柏谷亭事

此本亦無之其一爲衛子夫事此本雖有之而文反略於善注

考隋志載此書一卷諸家著錄並同錢曾讀書敏求記亦尙作

二卷稱所藏凡二本一是錫山秦汝操繡石書堂本一是陳文

燭晦伯家本又與秦本互異今兩存之云云兩本今皆未見此

本爲明吳瑄古今逸史所刻併爲一卷僅寥寥七八頁蓋已經

刊削又非兩家之本以其六朝舊帙姑存備古書之一種云爾

南齊

還寃志三卷 顏之推撰之推見經部小學類是書 文淵閣著

錄 四庫提要曰此書隋志不載唐藝文志作寃魂志三卷

志載寃魂志於藝文類傳卷與唐志同 文獻通考作北齊還寃志二卷考宋史藝文

志作顏之推還寃志太平廣記所引亦皆稱還寃志與今本合

則唐志為傳寫之譌至書中所記上始周宣王杜伯之事不得

目以北齊即之推亦始本梁人後終隋代觀陸法言切韻序則

開皇之初尙與劉臻等八人同時定韻更不得目以北齊殆因

舊本之首題北齊黃門侍郎顏之推撰遂誤以冠於書名上歟

觀宋史又載釋庭藻續北齊還寃志一卷則誤稱北齊亦已久

矣自梁武以後佛教彌昌士大夫率飯禮能仁盛談因果之推

家訓有歸心篇於非福尤為篤信故此書所述皆釋家報應之

說然齊有彭生晉有申生鄭有伯有衛有渾良夫其事並載春

秋傳趙氏之大厲趙王如意之蒼犬以及魏其武安之事亦未

嘗不載於正史強魂毅魄憑厲氣而為變理固有之尙非天堂

地獄幻杳不可稽者比也其文詞亦頗古雅殊異小說之冗濫

存為鑑戒固亦無害於義矣陳繼儒嘗刻入秘笈中刊削不完

僅存一卷此本乃何鏗漢魏叢書所刻猶為原帙今據以著錄

焉

集靈記二十卷 顏之推撰新唐志云十卷茲依隋志題卷 以

上隋

冥報記二卷 唐臨撰臨有律疏見史部政書類是書見新唐志

唐

太平廣記五百卷 文淵閣著錄 四庫提要曰宋李昉奉敕

監修同修者扈蒙李穆湯悅徐鉉宋白王克貞張洎董道趙鼎

幾按此類見史部編年類陳鄂呂文仲吳淑十二人也以太平興國二年

三月奉詔三年八月表進原注此據宋會要之文玉海則作二

十五年正月敕雕版印行凡分五十五部所採書三百四

十五種古來軼聞瑣事僻笈遺文咸在焉卷帙輕者往往全部

收入蓋小說家之淵海也玉海稱廣記鏤本頒天下後以言者

謂非後學所急收版貯之太清樓故北宋人多未之睹鄭樵號

為博洽而通志校讎略中乃謂太平廣記為太平御覽中別出

廣記一書專記異事誤合兩書而一之是樵亦未嘗見矣其書

雖多談神怪而採摭繁富名物典故錯出其間詞章家恆所採

用考證家亦多所取資又唐以前書世所不傳者斷簡殘編尙

間存其什一尤足貴也此本為明嘉靖中右都御史談愷所刊

卷頁間有闕佚胡應麟二酉綴遺曰談於此書頗肆力校讎第

中闕瞞鄙類二卷無賴類二卷輕薄類一卷而酷暴類闕胡澗

等五事婦人類闕李誕等七事談謂徧閱諸藏書家悉然疑宋

世已亡又曰輕薄類劉祥許敬宗等皆見六朝諸史及唐書雜

說談已考補餘目中有名姓者尙多互見諸書惟出小說中而

其書今亡者難悉究矣云云則書在當時已非完帙今亦姑仍

舊本錄之焉

陶朱新錄一卷 馬純撰 文淵閣著錄 四庫提要曰純字子

約自號樸棧翁單州武城人紹興中為江西漕使隆興初以大

中大夫致仕居越之陶朱鄉搜輯見聞著是書因名曰陶朱新錄純事蹟不概見惟會稽志載其題能仁寺壁一詩以譏僧宗昂有黃紙除書猶到汝定知清世不遺賢之句爲當時傳誦是書自宋以來史志及各家書目亦皆不著錄然周煇清波雜志引其中韓南一條稱爲樸樾翁陶朱集又稱樸樾翁單父人嘗宦於宣政間蓋卽此書知實出宋人非後來依託也所載皆宋時雜事大抵涉於怪異者十之七八亦洪邁夷堅志之流未附元祐黨籍一碑與全書體例頗爲不類考錄中所記馬默思郭真人詩純蓋默之諸孫默在神宗朝以戶部侍郎贊文閣待制致仕奉祠後入黨籍南渡以後力反宣和之政以收人心凡黨人子孫皆從優敘故張綱華陽集中有論其除授太濫一疏然士大夫終以爲榮純載是碑蓋以其祖之故亦陸游自稱元祐黨家之意云

夷堅別志二十四卷 王質撰質有詩總聞見經部詩類通考載是書及其自序略曰志怪之書甚夥至鄱陽夷堅志出則盡超之余生平所嗜略類洪公始讀左傳史記漢書稍得其記事之法而無所施因志怪發之久之習熟調利滋耽翫不能釋問自觀覽要不爲無補於世而古今文章之關鍵亦間有相通者不以此是爲無益而中畫愈哀所見聞益之事五百七十卷二十四今書之目也余心尙未艾書當如此則將漫及於夷堅矣凡夷堅所有而洊見者刪之更生佛之類是也凡夷堅所有而未備者補之黃元道之類是也其名仍爲夷堅而別志之辨於鄱陽

也得歲月者紀歲月得其所者紀其所得其人者紀其人三者并書之備矣闕一二亦書皆闕則弗書醜而不欲著姓名者婉見之如夷堅確夢之類是也醜而姓名不可不著者顯揭之如夷堅人牛之類是也其稱某人云又某人得諸某人云若已所見各識其所自來皆循夷堅之規弗易所書甲子之一爲期過是弗書耳目相接也所書鬼神之事爲主非是弗書名實相稱也於夷堅之規皆仍之其異也者筆力睜乎其後矣 以上宋效顰集三卷 趙弼撰弼有雪航膚見見史部史評類是編 四庫存目提要曰皆紀報應之事意寓勸懲而詞則近於小說第三卷中闕疥鬼對夢遊番陽傳二篇殆傳寫佚之

分類百家小說 劉爾牧撰爾牧有使楚奏議見見史部詔令奏議類是書見州志
善惡感應錄 鄭世才撰世才有金邑紀覽見見史部傳記類是書見縣志藝文縣志本傳云恐愚俗難悟著有善惡果報一書名與藝文異未詳孰是
怪異新聞 呼守默撰守默濟陽人萬歷間貢生是編見縣志以上明

記訓存賞 薛葵撰葵字崑西黃縣人是書絹善惡報應見縣志奇報錄 陳益修撰益修字偉如濟甯人順治丙戌進士官貴池知縣是編見施閏章矩齋雜記
生生果同善錄 阮述芳撰述芳有治河條議見史部地理類二編見縣志

秋鏡叢話十八卷 王斌撰 斌字凝齋 福山人 乾隆丙辰舉人 歷

官 天門知縣 是書有刊本 多載果報及神怪事 其記乾隆甲子

荆溪開引河掘得唐詩人戴叔倫墓一條 亦有關於古蹟

叢棚聞見錄 胡恆撰 恆有南征記 見史部傳記類 是書見採訪

冊

說鬼稽神錄 顏懋企撰 懋企見史部傳記類 是書見空山堂文

集

山海經箋疏十八卷 補圖贊一卷 附訂譌一卷 郝懿行撰 懿行

見經部易類 是書亦光緒七年進呈 刊本揚州阮元敘略云 吳

氏廣注徵引雖博而失之蕪雜 畢氏校本于山川考校甚精 而

訂正文字尚多疏略 今郝氏究心是經 加以箋疏 精而不鑿 博

而不溢 粲然畢著 斐然成章 余覽而嘉之 爲之刊板 以傳 又懿

行自序末云 今之所述 并採二家畢氏所長 作爲箋疏 箋以補

注疏 以證經卷 如其舊別爲訂譌一卷 附於篇末其圖贊一卷

餘事 是正譌文 三百餘事 凡所指摘 雖頗有依據 仍用舊文 因

而無改 蓋放鄭君康成注經 不敢改字之例 云據本書

勞山逸筆一卷 馬志泮撰 志泮字龍坡 卽墨人 採訪冊載是書

及志泮題語云 不信仙而好聽人說 仙不信鬼狐而好聽人說

鬼狐語 雖涉於幻情 實卽於眞 燕居多暇 因於耳之所聞 目之

所睹 草此一編 名之曰勞山逸筆云

孝感錄 張泰撰 泰見雜家類 是書見州志

善果指掌一卷 王釗撰 釗字元子 膠州人 諸生 採訪冊載是編

云 輯古人孝行及戒殺諸事

奇報編 李檀撰 檀有益言編 見雜家類 是書見縣志

覆校穆天子傳六卷 翟云升撰 云升見經部小學類 是書有五

經歲 徧齋刊本 云升自序云 穆傳之在汲冢也 已有折壞 復爲

發冢者 燒策照取 寶物遂至簡燼 札斷時日 事蹟多不相屬 然

景純作注之時 抱殘守缺 猶爲舊觀 後魏以來 見於援引者 漸

有不同 注亦互異 今世所行 蓋元季劉都事貞本 而久失其眞

者也 自前明逮我 朝校是書者 不下十家 傳鈔翻刻 又各有

舛錯 甚至不可句讀 余不自揣 覆校之於諸本 中從其一是 兼

采檀氏萃疏 參附管見 以成此編 業付梓矣 而審視仍多未合

且有刊刻之誤 未及檢者 竝別改如左 豈易復郭氏之初 庶與

都事本不甚相遠 惟是竹書古文 晉武付祕書 以今文寫之 以

隸破篆 筆迹詭奇 展轉致譌 淺用歧出 無從是正 茲取諸家傳

本 與載在字書者 從其同 而附其異 烏乎其荒 邈矣 哉據本書

益智錄 解鑑撰 鑑字子鏡 歷城人 石泉書屋類稿載是編 序略

云 遠紹搜神 述異齊諸志 怪之編 近仿聊齋 志異之作 筆墨雖

近游戲 而一以勸懲爲主 殆主文譎諫之流歟

善慶錄 尙經方撰 經方有自警編 見雜家類 是編見州志

見聞紀略 范正銘撰 正銘字西箴 卽墨人 採訪冊載是書 及新

建夏廷楫 序略云 煙雲閒話 斥憑虛公子之談 山海奇聞 存公

是先生之見 極悲歡之殊 致寓世味之酸 醜若西箴 此編其情

至生文意來造境者乎 以上 國朝

待詔臣饒心術二十五篇 漢志著錄注云武帝時顏師古注云

劉向別錄云饒齊人也不知其姓武帝時待詔作書名曰心術

漢

山棲志 劉峻撰南史本傳云因遊東陽紫巖山遂居焉為山棲

志其文甚美

辯林二十卷 蕭賁撰賁字文煥蘭陵人梁宗室為湘東王法曹

參軍是書見隋志

述異記二卷 文淵閣著錄 四庫存目提要曰舊本題梁任

昉撰按昉有雜傳見此書宋志始著錄卷數與今本相符昉公

武讀書志云昉家藏書三萬卷天監中採輯先世之事纂新述

異皆時所未聞將以資後來屬文之用亦博物志之意唐志以

為祖沖之所作誤也按隋志先有祖沖之述異記十卷唐志蓋

沿其舊文以為別自一書則可以為誤題祖沖之則史不誤而

公武反誤矣其書文頗冗雜大抵剽剽諸小說而成如開卷盤

古氏一條即採徐整三五歷記其餘精衛諸條則採山海經園

客諸條則採列仙傳龜歷諸條則採拾遺記老桑諸條則採異

苑以及防風氏蚩尤夜郎王之類皆非僻事不得云世所未聞

其武陵源一條則襲陶潛所記而於桃外增李移其地於吳中

周禮孤竹之管空桑之琴瑟二條則附會竹生東海空桑生大

野山尤為拙文陋識考昉本傳稱著雜傳二百四十七卷地志

二百五十二卷文章三十三卷不及此書且昉卒於梁武帝時

而下卷地生毛一條云北齊武成河清年中案河清元年壬午

當陳天嘉三年周保定二年後梁蕭歸天保元年距昉之卒久

矣昉安得而記之其為後人依託蓋無疑義姚寬西溪叢語謂

潘岳閒居賦房陵朱仲之李句李善注朱仲未詳此書中乃有

其事據以補善注之逸今考李善閒居賦注此句下引荊州記

曰房陵縣有朱仲者家有縹李代所希有竝無未詳之語寬偶

讀誤本不知此書之剽文選注反謂選注未見此書舛誤甚矣

考太平廣記所述異記皆與此本相同則其偽在宋以前其

中事桃都天雞事溫庭筠雞鳴埭歌用之燕昭王為郭隗築臺

白居易六帖引之則其書似出中唐後或後人雜採類書所引述異

灌畦暇語則其書又似出中唐後或後人雜採類書所引述異

記益以他書雜記足成卷帙亦如世所傳張華博物志歟

邇說十卷 伏挺撰挺字士標平昌安邱人累為晉陵武康令罷

還尋除治書侍御史被劾變服出家名僧挺後復還俗是書見

梁書本傳 以上梁

酉陽雜俎二十卷續集十卷 段成式撰 文淵閣著錄成式有

鷹品見譜錄類 四庫提要曰是書首有自序云凡三十篇為

二十卷今本自忠志至肉攫部凡二十九篇尚缺其一考語資

篇後有云客徵鼠蟲事今戲據作破蟲錄今無所謂破蟲錄者

蓋脫其一篇獨存其篇首引語綴前篇之末耳至其續集六篇

十卷合前集為三十卷諸史志及諸家書目竝同而胡應麟筆

叢云酉陽雜俎世有二本皆二十卷無所謂續者近於太平廣

記中鈔出續記不及十卷而前集漏軼者甚多悉鈔入續記中為十卷俟好事者刻之又似乎其書已佚應麟復為鈔合者然不知應麟何以得其篇目豈以意為之耶其書多詭怪不經之談荒渺無稽之物而遺文秘籍亦往往錯出其中故論者雖病其浮誇而不能不相徵引自唐以來推為小說之翹楚莫或廢也其曰西陽雜俎者蓋取梁元帝賦訪西陽之逸典語二酉藏書之義也其子曰有曰諾臬記者吳曾能改齋漫錄以為諾臬太陰神名語本抱朴子未知確否至其貝編玉格天咫壺史諸名則在可解不可解之間蓋莫得而深考矣 古著西陽雜俎云何

錦里新聞二卷 段成式撰見宋志

廬陵官下記二卷 段成式撰為吉州刺史時見書錄解題

破蠹錄 段成式撰西陽雜俎云成式曾一夕堂中會時妓女玉

壺忌魚炙見之色動因訪諸妓所惡者有蓬山忌風金子忌蠹

尤甚坐客乃競徵蠹拏鼠事多至百餘條予戲撫其事作破蠹

錄 以上唐

同歸小說三卷 張齊賢撰見通志

竹穎傳 李覺撰覺見經部易類宋史本傳云右正言王禹偁上

言覺但能通經不當輒居史職覺做韓愈毛穎傳作竹穎傳以

獻 東都事略曰竹穎穎者謂矢也 太宗嘉之故寢禹偁之奏

釋裨一卷 孔平仲撰宋志作釋裨茲據闕里文獻考標目

吟室罪談一卷 周密撰見培林堂書目 以上宋

剪燈瑣談一卷 楊光溥撰光溥字文卿沂水人成化己丑進士

歷官山西按察副使是書見府志

十友傳 樊繼祖撰繼祖有雙巖奏議見史部詔令奏議類是書

見縣志

樵牧瑣談 張景華撰景華見史部詔令奏議類是書見府志

說物寓武 曹邦輔撰邦輔見史部傳記類是書見縣志

詩禪 李開先撰開先見經部五經總義類是書見傳是樓書目

園志 靳學顏撰學顏字子愚濟甯人嘉靖乙未進士歷官吏部

侍郎兩城集有園志前後序

株守談略四卷 馬攀龍撰攀龍字冲霄號槐非陽信人嘉靖乙

卯舉人官禮部主事是書見明志

異類綱常 郭一經撰一經見經部五經總義類是書見縣志

瓠庵小言 張幼安撰幼安有筆籌辰告見雜家類是編見府志

覽快覽恨 陳伯友撰伯友見史部編年類二編見州志

破顏集 任光撰光有閒中雜錄見雜家類縣志載是書及王琢

璞序略云吾邑文冲任君韻人也戟如其鬚鐘如其聲腹瓠垂

口河懸莊言令人斂衽謔言令人絕倒爰哀所聞勒成是編余

久聞其以破顏名知皆捧腹語嘗暗與心約儻一獲見當溢氣

內服矜容外鎮必不逐隊露齒偶會泗上喬師處小飲謂有何

物可供軒渠因出此集以示纔閱一二則頓忘夙約不覺前後

俯仰笑聲笑態不自禁且讀且笑以至終篇師固莊人亦微助

之坐中諸人遞取以視態聲皆與余同遂至噴騰繼而掩卷一